



Uunga siunnersuut: Akiliisarfik Ilanngaassivik pillugu Inatsisartut inatsisaata atorunnaarsinnejnarnera pillugu Inatsisartut inatsisaat.

(Aningaasaqarnermut, Aatsitassanut, Inatsisit Atuutsinneranut Naligiissitaanermullu Naalakkersuisoq)

Siullermeernejnarnera

Naalakkersuisut sinnerlugit akiliisarfik Ilanngaassivik Inatsisartut inatsisaata atorunnaarsinnejnarnera pillugu Inatsisartut inatsisaannut siunnersuut saqqummiunnejnartumut Naleqqamiit imatut oqaaseqaateqassaagut.

Ilanngaassivik pillugu inatsisip atorunnaarsinnejnarnissaanut tunngatillugu Naalakkersuisut saqqummiussaminni ersarissarpaat innuttaasunut, inuussutissarsiortunut imaluunniit pisortanut toqqaannartumik kinguneqarteqartussaanngitsoq.

Periusissatut siunnerfeqarnermi akiliisitsisarnermik atortorissaarummik pilertitsiniarnerup siunertarigaluarpaa innuttaasut ataasiakkaat aningaasarsiaat atortorissaarut atorlugu oorisiat ikeriarlugu akiitsorisat akiligassat ilanngaatigereerneranni aatsaat aningaasarsiat sinneruttut innuttaasumut tunniunnejnartarnissaat.

Naalakkersuisut periuseq tamanna pillugu saqqummiinerminni toqqammavilfersorpaat akuliunneruallaartoq aamma naapertuutinngitsoq isumaqarlutik.

Naalakkersuisut Ilanngaassivimmut taarsiullugu allaanerusumik periuseqarnissaq pingaartillugu oqaariartuutaat Naleqqamiit tapsereratsigu oqaatigissavarput.

Ilaatigut ineqarnermut akiitsorilersimasanut tunngatillugu akiitsoqalersimasunut siunnersuisarnikkut iliuuserisartakkat misilittagaareersut angusaqarfiulluartarsimasut innersuussutigineqartutut oqariartuutigineqarput.



Tamannalu sumiiffinni aalajangersimasuni misiliutitut atorneqareerluni misilitakkat pitsasuunerat aallavigalugu maannakkut nuna tamakkerlugu atutussanngortinneqarluni.

Innuttaasunut siunnersuisarnermi akiitsulinnut qanoq inissisimanerat tassalu aningaasaqarnera taamatullu akitsoqarnera oqaloqatigiissutigalugu aaqqinneqartarpooq.

Innuttaasoq taamatut qanimut paaseqatigalugu aaqqissuussamik oqaloqatigiinnikkut periuseqarneq Naalakkersuisut pitsasuuutut isumaqarfigisaat misilittagarilikkat aallaavigalugit aaqqiisarnerit pitsasuuutut nalilerneqartut Naleqqamiit taperserlugit nalilersuisarnikkut ineriaaffiguarnissaanut aqqutissatut pitsasutut uagut isigaarputtaaq.

Naalakkersuisut innuttaasunut pitsaanersumik aammalu inuppalaarnerusumik periuseqarluni iliuusissanik suliniuteqarnerat Naleqqamiit naammagisimaarpapput taamatullu suliffissarsiornermi ikorsiissutinik aamma tamatumunnga atatillugu ikorsiissutinik aaqqissuusseqqinnermut taamatullu angerlarsimaffeqanngitsut pillugit politikkimi suliaqarnermut ilanngullugu taakku pineqartut akiitsui pillugit siunnersuisarneq pitsangorsarneqarnissaanik kissaateqarnerat Naleqqamiit tamakkiisumik tapersorsoratigu oqaatigissavarput.

Akiliitsiniartarnermi aalisartut piniartullu tunisinermanni tamakkiisumik tassalu 100 procentimik ilanngaanneqartaartut imaaginnavinnikuupput allaat nuliaasut ilanngullutik ilanngaassorneqalersimallutik. Taamatut ilanngaanneqartartut ulluinnarni ingerlatsinermanni aningaasartuutit akiligassallu allat ingerlaannartut akissaarulluinnarlugit allaat inuussutissarsioqqinnissaminut innarlerneqartarsimanerat imaannaanngilluinnartuusoq kialuunniit takorloorsinnaavaa. Taama peqqarniitsigisumik aalisartortatta aammalu piniartortatta nuliaasullu pineqartarnerat akuersaarneqarsinnaanngilluinnartoq anigorniarlugu Naalakkersuisut ilanngullugu piaartumik malittarisassiutariaqaraat sakkortuumik manna iluatsillugu Naleqqamiit innersuussutigerusupparput.



Taamatullu namminersorlutik ingerlataqartut suliffiutitsillu aamma tamakkiisumik akissarsiassaminnik ilanngaanneqartarnerat imaannaanngilluinnartumik kinguneqartitsisartoq piaartumik ilanngullugu malittarissassiunneqarnissaa innersuussutigissavarput, kinami sulissagami inuussutissaarulluinnarluni ilanngaanneqartuaruni, tamanna periuserineqalersimasoq ingasattajaarpallaarujuussuaqaaq piaartumik aaqqiiffigineqartariaqarmat neriuuppugut piaartumik Naalakkersuisut qanoq iliuuseqarfingissagaat.

Akiitsorineqalersartut assigiinngiitsorpassuartigut aallaaveqarsinnaasarput aammalu qularutissaanngilaq taamatut akiitsoqalersimaneq innuttaasumut kimulluunniit ilungersunaannaratik annertuumik ulluinnarni inuunerannut nanertuutaasartut, taamaammat innuttaasunut akiitsoqartunut aamma annertuumik taamatut inisisimanerit ajornartorsiutaapput.

Akiitsut inuup inuuneranut ilaqtariinnullu atugarliortitsisinnaapput aamma qularnanngilluinnartumik eqqasuuteqartitsillutik inissimatitsisuujuartarput. Taamatullu inisisimasut aamma ulluinnarni ilungersuuteqareersunut annertuumik artukkiisarnerat meeraqarpata meeraanut qanigisaanullu ajornartorsiutinngorsinnaasarput.

Taamaammat akiitsut pillugit misilitagarilikkat oqaloqatigiinnikkut isumaqatigiissusiornikkullu aaqqinniarneqartererat periarfissatsialaat misilittagaalersut atorlugit aaqqissusseqqinnerit inerisartuarnissaat Naalakkersuisut siunnerfigisaat Naleqqammit tapersersorlutigit Ilanngaassivimmuit taarsiullugu iliusissatut siunnerfiit tamakkiisumik tapersersorpagut.

Akiitsut 1,1 mia. kr.-unerat assigiinngitsutigut inisisimanerat ilanngullugu ataavartumik nalerlersorluagassaavoq, taakkulu inuit ataasiakkaat inisisimanerat Naalakkersuisut isumaqatigiinniutigisarnissaat siunnerfiusoq atorlugu ingerlanneqarnissaat siunnerfiuvoq suliamut imaanngaanngitsumut.

Taamatut oqaaseqarluta siunnersuut Aningaasaqarnermut Akerleraartarnermullu ataatsimiitaliami suliarineqarnissaa Naleqqamait innersuussutigaarput.